

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

po Zahtjevu Ministarstva privrede Unsko-sanskog kantona

Sarajevo
septembar, 2024. godine



Broj: 07-26-7-011-2/24
Sarajevo, 12.09. 2024. godine

Na osnovu člana 25. stav (1) tačka f) Zakona o konkurenciji (“Službeni glasnik BiH” 48/05, 76/07 i 80/09), a po Zahtjevu Ministarstva privrede Unsko-sanskog kantona, Alije Đerzeleza 6, 77000 Bihać, zaprimljenom od strane Konkurencijskog vijeća dana 19.06.2024. godine, pod brojem 07-26-7-011-1/24, Konkurencijsko vijeće, na 12. (dvanaestoj) sjednici održanoj dana 12.09. 2024. godine, je donijelo

MIŠLJENJE

Konkurencijsko vijeće Bosne i Hercegovine (u daljem tekstu: Konkurencijsko vijeće) je, dana 19.06.2024. godine pod brojem: 07-26-7-011-1/24, zaprimilo Zahtjev za izdavanje mišljenja (u daljem tekstu: Zahtjev) podnesen od Ministarstva privrede Unsko-sanskog kantona, Alije Đerzeleza 6, 77000 Bihać, (u daljem tekstu: Ministarstvo ili Podnosilac zahtjeva), a u skladu sa članom 25. tačka f) Zakona o konkurenciji (“Službeni glasnik BiH”, br. 48/05, 76/07 i 80/09 – u daljem tekstu: Zakon o konkurenciji), kojim se traži Mišljenje na prijedlog Odluke o izmjeni Odluke o organizaciji i načinu obavljanja taxi prijevoza putnika na području Unsko-sanskog kantona.

Podnosilac zahtjeva navodi da je Ministarstvo privrede Unsko-sanskog kantona donijelo prijedlog Odluke o izmjeni Odluke o organizaciji i načinu obavljanja taxi prijevoza putnika na području Unsko-sanskog kantona, a predložena izmjena odnosi se na odredbu člana 13. stav (4) Odluke o organizaciji i načinu obavljanja taxi prijevoza putnika na području Unsko-sanskog kantona (Službeni glasnik Unsko-sanskog kantona br: 23/11) a istom je utvrđeno da : „ *Cijene usluga moraju biti jedinstvene na nivou Kantona*“.

Razlozi za donešenje Odluke o izmjeni Odluke o organizaciji i načinu obavljanja taxi prijevoza putnika na području Unsko-sanskog kantona sastoje se u potrebi da se izmjenom važećeg propisa otklone nedostaci koji su uočeni u postupku primjene navedenog propisa, obzirom da Ministarstvo nije utvrđivalo jedinstvenu cijenu taxi usluga prijevoznika, čime je omogućeno slobodno formiranje cijena za taxi usluge, zasnovane na ekonomskim kriterijima i prema važećim uslovima tržišta. Također, odredbama člana 2. i 6. Zakona o kontroli cijena („Službene novine Federacije BiH „, broj: 02/95 i 70/08), utvrđeno je da privredna društva, druge pravne i fizičke osobe formiraju cijene proizvoda i usluga slobodno prema uslovima na tržištu, pri čemu ne

smiju narušavati propise o konkurenciji, a istovremeno su dužni utvrditi pravila o načinu formiranja cijena zasnovana na ekonomskim kriterijima i pridržavati se istih.

Shodno navedenom, predložena je izmjena u članu 13. stav (4) predmetne Odluke, koja glasi: „ *Cijenu taxi usluge utvrđuje taxi prijevoznik cjenovnikom*“.

U skladu sa članom 25. stav (2) Zakona o konkurenciji, Konkurencijsko vijeće na nacрте i prijedloge zakona i drugih propisa iz oblasti koje imaju uticaja na tržišnu konkurenciju, koje su obavezni dostaviti predlagači, daje mišljenje o njihovoj saglasnosti sa ovim Zakonom.

U skladu sa naprijed izloženim, Konkurencijsko vijeće smatra da je predložena izmjena Odluke o organizaciji i načinu obavljanja taxi prijevoza putnika na području Unsko-sanskog kantona usaglašena sa Zakonom o konkurenciji.

Ovo mišljenje je dato isključivo na osnovu podataka navedenih u Zahtjevu i izdaje se na osnovu Zakona o konkurenciji, te ukoliko dati podaci odstupaju od stvarnog i činjeničnog stanja ovo mišljenje se ne može primijeniti.

Predsjednik

Ivo Jerkić

Dostavljeno:

**- Ministarstva privrede Unsko-sanskog kantona, Alije Đerzeleza 6, 77000 Bihać,
- u spis**